

উচ্ছব

১৮৯৩

২৪৬

আর্য-ধৰ্ম-নিত্য-প্রণেতা।

অগোরীনাথ চক্রবর্তি কাব্যরত্ন-

পণীত

—

CALCUTTA

PRINTED AND PUBLISHED BY R. DUTT

HARE PRESS

46, BECHU CHATTERJEE STREET

1907

মূল্য দুই অন্ন মাত্র।

উৎসর্গ পত্র

আর্যা ধৰ্মপৱায়ণা সাবিত্রী সদৃশা

শ্রীল শ্রীমতী রাণী ত্বানীপ্রিয়া

বড়ুয়ানৌ মহোদয়।

গৌরীপুরাধিরাজ্ঞী

করকমলে

উপহার ঘরপ

এই পুস্তকখানি

অর্পিত হইল

ব. সা. প. পু.

টক ক্র. ১০২

২৪৮৭



উচ্ছাস।

জাহুরী-তৌরে।

পুণ্যসলিলা ভাগীরথী প্রাবৃটেব নবান্ধুরাশিতে পরিপূর্ণ।
হইয়া টলমল কবিতেছে। তটদ্বয় প্লাবিত হইয়াছে—নব-
ধোবনেব নৃতন আনন্দ যেন উচ্ছলিয়া পড়িতেছে। কোনও
স্থানে চিকিমিকি, কোনও স্থানে ঝিকিমিকি, অস্তোন্মুখ তপন
মেঘেব অন্তরালে অবস্থিত হইয়া, ঘেখান দিয়া ফাঁক
পাইতেছে সেইখান দিয়াই তরঙ্গাযিত জলবাশিব উপব গ্ৰি
মনোহব শোভা বিস্তাৱ কৱিতেছে। জলবাশি তৱতব বেগে
প্ৰবাহিত হইতেছে; অসংখ্য আবৰ্তনিচয়—কলকল শব্দে
এই নিভৃত স্থানেৱ নীৱৰ সঙ্গীত লহুৰীতে যেন তান
প্ৰদান কৱিতেছে। নভোমণ্ডল মেঘাচ্ছম; তটস্ব তৱুৰাজি

বাযুভৱে হেলিতেছে, দুলিতেছে, বোধ হইতেছে যেন মুঞ্চ হইয়া এই শুমধূব সঙ্গীতরস উপভোগ করিতেছে। দেখিতে দেখিতে সায়ংকাল সমাগত হইল; সায়ংকাল উন্নীর্ণ হইয়া বজনী উপস্থিত হইল। মেঘাচ্ছন্দ গগন গাঢ় নীলিমায় পবিপূর্ণ হইল, জগৎ গভীর নিষ্ঠকতায় আবৃত হইল; অঙ্ককার গাঢ় হইতেও গাঢ়তব হইয়া স্থাবৰ-জঙ্গমসঙ্কুল জগৎকে অতল বিশ্বাতিজলে নিমজ্জিত করিল। সম্মুখে তটিনী—তটিনীর কলকল শব্দ, তৌবে দণ্ডয়ান আমি; যেন বোধ হইল জগতেব অস্তিত্ব ক্ষণকালের জন্য আমাতে ও তটিনীতে পর্যবসিত হইয়া গেল। তরঙ্গিনীর তরঙ্গলহন্তীর সঙ্গে সঙ্গে আমারও হস্তয়ের চিন্তালহরৌ বহমান হইল, উচ্চাসবায়ু রহিয়া রহিয়া বহিতে লাগিল, উল্লাসের তরঙ্গ নাচিয়া উঠিল, প্রেমেব আবর্ত কলনিনাদে নাদিয়া উঠিল।

মাতঃ ! শৈলস্বতে ! তুমি পতিতপাবনী, তুমি ত্রিভুবন-তারিণী। তোমাব পবিত্র সলিলরাশি সংস্পর্শে কত পাপী উদ্ধার হইয়াছে, কত নরাধম ঘোব মহাপাতকের হস্ত হইতে পরিত্রাণ পাইয়াছে। এই পুণ্যভূমি আর্য্যাবর্ত পবিত্র করিয়া, তুমি যুগ যুগান্তব প্রবাহিত হইতেছ; এই দেবভূমি বারাণসীক্ষেত্রের পাদমূল বিধোত করিয়া, তুমি অনন্ত কাল চলিয়াছ; তোমারই তীরে, অদূরে ওই মণি-

কর্ণিকাৰ মহাশূণ্যান দ্বিবানিশি জুলিতেছে, ওইখানে পাপীৰ
পাপৱৰাণি ভস্ত্রাবশেষ হইয়া যাইতেছে ; ওই শূণ্যানে কত
পাপাত্মা, কত নৱাধম ভস্ত্রাবশিষ্ট হইয়া, জগৎজননি !
শঙ্কুরমৌলিনিবাসিনি ! তোমার পৰিত্রে সলিলস্পর্শে উদ্বার
হইয়া যাইতেছে ; কাহারও শিবলোক আপ্তি হইতেছে,
কেহ স্বর্গাদি অতুল সুখসম্পদ আপ্তি হইতেছেন, আৱ
কেহ বা তন্ময় হইয়া, পৱন নিৰ্বাণপদ লাভ কৱিতেছেন ।
তুমি সর্বজনপূজনীয়া, তুমি সর্বাভৌষণ্টপ্রদায়ীণি । যিনি
তোমাকে ষে ভাবে ডাকিতেছেন, মা ! তুমি তাহার নিকট
সেইভাবে প্ৰকাশিত হইয়া, তাহার মনোবাঞ্ছা পূৰ্ণ কৱিতেছ ।
ভক্তেব নিকট তুমি পতিতপাবনী, মোক্ষদায়ীনী ; কৰ্ম-
নিষ্ঠের নিকট স্বর্গাদি বিপুলঐশ্বর্যদায়ীনী, আৱ জ্ঞানীৰ
নিকট । তুমি সচিদানন্দ পৱনৰক্ষেব আনন্দময় বিকাশ !
তোমার এই অনন্তশক্তিশালী অনন্ত সৌন্দৰ্যবাণিবিভূষিতা
মূল্তি অবলোকন কৱিয়া কেহ স্থিৰ থাকিতে পাৱেনা ;
ভক্তি ভবে তোমাকে পূজা কৰে, কবপুটে তোমাকে
প্ৰণাম কৱে, কি এক অনুপম অনিবিচনীয় আনন্দ
উপভোগ কৱিতে কৱিতে অনন্তমনে তোমারই পানে
চাহিয়া থাকে ।

• মা ! ভক্ত, জ্ঞানী, কি কৰ্মনিষ্ঠ, আমি কিছুই নহি ;
এ পাষাণ হৃদয়ে ভক্তিৰসেৱ বিন্দুমাত্ৰও কথনও পতিত হয়

না ; সৎকর্মের সৎসংকল্প ভবেও কথনও ঘনোমধ্যে উদয় হয় না ; ঘোব অভানাঞ্চকারাচছন্ন অস্তঃকরণে জ্ঞানদীপ মুহূর্তের জন্মও কথন প্রজ্ঞলিত হয় না । কিন্তু কি জন্ম বলিতে পারিনা, আমি যখন তোমাব পানে তাকাই তোমাব সৌন্দর্য রাশিতে বিমুক্তি হইয়া পড়ি ; তোমাব জলরাশির অপূর্ব গতি অবলোকন করিতে করিতে জ্ঞানহারা হইয়া পড়ি ; তোমাব কুলুকুলু স্মর্থুর সঙ্গীত শব্দ করিতে করিতে করিতে কি এক অভাবনীয় স্থৰ অনুভব কবি ; সংসার ভুলিয়া যাই, ঘনোমধ্যে উল্লাসের তরঙ্গ খেলিতে আরম্ভ করে, প্রাণ আনন্দে নাচিয়া উঠে, হৃদযতন্ত্রী বাজিয়া উঠে, চারিদিকে যেন অঘৃতের উৎস বারবাবক্ষারে বহিতে থাকে । মা ! আমি এক অনিবিচ্ছিন্ন সৌন্দর্য তোমাতে দেখিতে পাই । আমি তোমাকে এক অনুপম স্বগীয় রং ভূষিতা দেখি ; যিনি যাহাই ভাবুন, আমার মতে মা । তোমার সেই রহটী সর্বোৎকৃষ্ট রহ । সেই রহ আছে বলিয়া মা ! তুমি আমার এত প্রিয—তোমাব রূপবাণি অবলোকন কবিয়া মুক্তি হই, তোমাকে দেখিয়া পাগলের মত মৃত্য কবিতে থাকি । তুমি তর তব বেগে চলিয়াছ, যুগ যুগান্তের প্রেই ভাবে চলিতেছ ; দেশ দেশান্তর, নগর জনপদ, পর্বত প্রান্তের অতিক্রম করিয়া নির্বিবাদে, নিষ্কণ্টকে, নির্বিপ্রে, নিরুদ্ধবেগে, প্রাণ যথা তাহিতেছে,

প্রেমরজ্জু যে দিকে টানিতেছে, হৃদয়ের চুম্বক শলাকা যে দিকে আকর্ষণ করিতেছে, সর্ব বাধা অভিক্রম করিয়া, উন্নত গিরিশূল উল্লঙ্ঘন করিয়া, নগর প্রান্তর প্লাবিত করিয়া, তুমি তুমুল বেগে সেদিকে ধাবিত হইতেছে। তোমার অভীষ্ট পথে কেহ কণ্টক দিতে পাবিতেছে না, তোমার স্বাধীনতা ধন কেহ লোপ করিতে সক্ষম হইতেছেনা, মা ! ইহাই দেখিয়া আমি আনন্দে মগ্ন হই। এই স্বর্গস্থস্বাধীনতা ধনে, তুমিই কেবল একমাত্র ধনো। সামান্য মানুষের কথা দূবে থাকুক, যোগী অবিরাম আজীবন চেষ্টা করিয়া কদাচ এই ধনে ধনী হন না, এ ধন দেবের দুর্লভ। যোগীবও ধ্যানতঙ্গ হয়, ইন্দ্রেরও ইন্দ্ৰস যায়, দেবগণও সময়ে সময়ে ভক্তের নিকট বন্দী হন, কিন্তু মা ! তোমার এ পথের গতিবোধ কেহ কথনও করিতে পারে নাই। হৃদয়ের উচ্ছৃঙ্খের সহিত, প্রাণের উল্লাসে, অবিরাম গতিতে তুমি গাহিতে গাহিতে নাচিতে নাচিতে এই আবহমানকাল চলিযাছ। হৃদয়ে আনন্দ যেন ধরিতেছেন। যতই অগ্রসর হইতেছে ততই জীবনের উজ্জ্বল প্রভা তোমার নিকটবর্তী হইতেছে, ততই উৎসাহের তৃঝ্যনিনাদ শ্রবণ কবিতেছে, ততই আশাৰ সুমধুৰ মূৰৰীখনি তোমার কণ্ঠ-কুহৰ পরিত্পু করিতেছে। পশ্চাতের দিকে একবারও ফিরিয়া দেখিতেছে না, পশ্চাত হইতে কেহ তোমাকে

আকর্ষণও করিতেছে না । এমন ভাগ্য কম্বজনের ঘটে ?
 এরূপ অবিচ্ছিন্ন স্বাধীনতা উপভোগ কর্যজন করিয়া থাকে ?
 আমরা মানুষ, সংসারের কীট ; আমাদেব প্রত্যেকের
 জীবন এক একটী গণ্ডীৰ মধ্যে নিবন্ধ । আপন আপন
 নির্দিষ্ট গণ্ডীৰ মধ্যে আমরা ঘূরিয়া বেড়াই ; সেই
 গণ্ডীৰ মধ্যে থাকিয়াও একদিনেৰ জন্যও নিশ্চিন্ত ও
 নিরুদ্বেগ থাকিতে পারি না । আজ যে পথে চলিতেছি,
 কাল তাহার সম্পূর্ণ বিপরীত পথে চলিতে হইতেছে ;
 আজ যে আশায় হৃদয় পরিপূর্ণ হইতেছে, কাল তাহা
 ঘোৰ দুরাশায় পবিষ্ঠ হইতেছে, আজ যাহাকে পাইয়া
 পৱন আনন্দ উপভোগ করিতেছি, কাল তাহাকে হারাইয়া
 হাহাকার কবিতেছি । জীবনেৰ এই শুন্দি হৃদে কত যে
 তরঙ্গ উঠিতেছে, কত যে আবর্ত দেখা দিতেছে, কত যে
 তুমুল তুফান উঠিয়া জলরাশি আন্দোলিত করিতেছে
 তাহার পরিসৌম্ব নাই । কুস্তীপাক নৱকেৱ এই অত্যুষ্ণ
 জল রাশিতে পতিত হইয়া দিবানিশি ছটফট কবিতেছি,
 পরিত্রাহি ডাক ছাড়িতেছি, তৃষ্ণিত চাতকেৱ শ্যাম শান্তি-
 বারি পানেৰ আশায় অহনিশ শান্তি ! শান্তি ! বলিয়া
 চীৎকার করিতেছি, কিন্তু শান্তি কোথায় ? সেই স্বর্গীয়
 সৱোবৱ বহুদূৰে অবস্থিত ; সংসার গণ্ডী অতিক্রম করিতে
 না পারিলে তাহা পাইবার আশা নাই ; কিন্তু 'হায় ! এই

সংসার গঙ্গী অতিক্রম করি এমন ক্ষমতা কি আমাদের আছে ? আমাদেব এই গঙ্গী মধ্যে দক্ষ হইতে হইবে, জন্ম জন্ম এইখানে পড়িয়া পড়িয়া পচিতে হইবে, আবার তৃষ্ণার্জ হইয়া এই বিষবারিহ পান কবিতে হইবে । মা ! সংসারের এই ভীষণ যন্ত্রণার বিষয় যথন ভাবি, তখন জ্ঞান-হারা হই, অধীর হইয়া পড়ি, হৃদয় যেন বিদীর্ঘ হইয়া যায়, প্রাণ ধেন অবসর হইয়া পড়ে । ব্যাধির যন্ত্রণা, আত্মায়ের বিচ্ছেদ, প্রণয়ে নৈরাশ্য, আশার নিম্নলোকা, স্বজনেব বৈরিতা, বিষয়বাসনাৰ ক্ষুদ্রাশয়তা, উচ্চাভিলাখেব নৃশংসতা, লালসাৰ প্রতারণা, অল্প বা অধিক পরিমাণে কে না সহ্য কবিতেছেন ? কে না এই ধোৱ দুঃখ-সাবানুলৈ দিবানিশি দক্ষ হইতেছেন ? কে না এই তৌত্র গুৰুল পান কৰিয়া, বিষম যন্ত্রণায় নিরস্তুর নিপীড়িত হইতেছেন ? ওই যে হতভাগ্য প্রাণপ্রতিমা প্ৰিয়তমাৰ হৃদয়-হারিণী মৃত্তি থানি অনলে বিসৰ্জন দিয়া হতাশ অন্তঃকৰণে গৃহে প্ৰত্যাগমন কৱিতেছে ; ওই যে দুবৃষ্ট মুৰুৰু পুলেৰ ব্যাধি-ক্ষিণি মুখ থানি অবলোকন কৱিয়া, পুলেৰ মৃত্যুকালোচাৰিত নৈরাশ্যপূৰ্ণ উক্তি গুলি শ্ৰবণ কৱিয়া, অশ্রু বিসৰ্জন কৱিতেছে ; হার ! হায় ! সে হতভাগ্য, একবাৰও ভাবে নাই যে তাহাৰ প্রাণপ্রতিমা প্ৰিয়তমা তাহাৰ ‘জীবনকালেই তাহাকে অকুল দুঃখসাগৰে

ভাসাইয়া চলিয়া যাইবে। হায়! হায়! সে কখনও
স্বপ্নেও মনে করে নাই যে তাহার পুত্রের এই শূরুমু
অবস্থা তাহাকে নিজচক্ষে অবলোকন করিতে হইবে।
এই লোমহর্ষণ ব্যাপার, এই হৃদয়বিদ্বারক দৃশ্য সংসা-
গন্তীর মধ্যে নিয়ত ঘটিতেছে, এবং এই লইয়াই সংসার।
পুড়িয়া ছাই হইবে, তথাপি পোড়াইতে ছাড়িবেনা;
শোকে তাপে অভিভূত হইয়া অস্থির হইয়া পর্যবে,
নিশ্চাস বোধ হইয়া আসিবে তথাপি এ অগ্নি নির্বাপিত
হইবে না। এ রাবণের চিতা চিবকাল জ্বলিবে। এ
অগ্নির হস্ত হইতে কেহ ইচ্ছা করিলেই পরিত্রাণ পাইতে
পারে না; পলাইয়া কেহ এই ভৌষণ রাক্ষসের করাল
কবল হইতে শুক্রিলাভ করিতে সক্ষম হয় না। তুমি
এক দিকে ধাবিত হইবে, তোমার গলদেশ-লম্বিত দঙ্গু
তোমাকে অন্তদিকে টানিয়া লইয়া যাইবে। প্রাণপণে
ধাবিত হইবে, অদৃষ্ট তোমার পশ্চাত্ পশ্চাত্ অনুসরণ
করিয়া পুনবায় তোমাকে এই নরককুণ্ডে আনিয়া ডুবাইবে।

তাই বলিতেছিলাম যা। আমাদের স্বাধীনতা নাই;
আমরা কল্পনা বলে কত কি দেখিতেছি, কত কি
ভাবিতেছি, জীবনের স্থিতিশাস্ত্র কত মনোহর মুর্তি মানস-
চক্ষুর সম্মুখে আনিয়া উপনীত করিতেছি। কিন্তু হায়!
তাহা ক্ষণস্থায়ী। “নিশার স্বপন সম” নিজাতদের সঙ্গে

সঙ্গে সেই শুধু স্বপ্ন শূন্যে বিলীন হইয়া যায় ; তখন হাহাকার ধ্বনি কর্ণ কুহরে প্রতিধ্বনিত হইতে থাকে, ক্রন্দনের রব চারিদিক হইতে আসিতে থাকে ; কেহ পুত্রশোকে অধীর হইয়া বক্ষঃস্থলে বিষম করাঘাত করিতেছে, কেহ প্রিয়তমার পৰিত্রে প্রণয়-বাণি স্মরণ করিয়া অশ্রুজলে মেদিনী প্রাবিত করিতেছে, কেহ বাল্যকালে নিঃসহায় অবস্থায় পিতৃমাতৃবিয়োগকাতর হইয়া হতাশসাগরে পড়িয়া হাবড়ুবু খাইতেছে ; বিষয়ে বক্তি হইয়া কেহবা হা ! অঞ্জ ! হা ! অঞ্জ ! বলিয়া নিরস্তর চীৎকার করিতেছে। সংসার হইল না, সন্তানের মুখদর্শন লাভ করিলাম না, জগৎ শূন্যময় দেখিতেছি, পৃথিবী অঙ্ককাব মনে হইতেছে বলিয়া কোনও হতভাগা বোদন করিতেছে, কেন এ পাপ সংসারে প্রবেশ করিলাম, কেন সন্তান সন্ততি জন্ম গ্রহণ করিল, কেন সাধ করিয়া গরুল পান করিলাম, বলিয়া অন্ত হতভাগা অনুত্তাপ করিতেছে। এই কাতরধ্বনি মেদিনী ব্যাপিয়া প্রতিধ্বনিত হইতেছে। ধনী বল, নির্ধনী বল, ভিত্তিরী বল, নৃপতি বল, বালক বল, বুদ্ধ বল আপামৰ সাধারণ সকলেই কাদিতেছে। এই মহাশুশানে শুখে কেহ নাই, এই অরকুণ্ডে মানবমণ্ডলী কেবল দিবা রাত্রি দন্ত হইতেছে।

মায়াবিনী মরীচিকার শ্যায় কখনও কখনও শুখের

আভাস দূর হইতে দেখিতে পাওয়া যায় ; নরনারী উহা
পাইবার জন্য ব্যাকুল হইয়া তদভিমুখে ধাবিত হয়,
ধরিবার জন্য হস্তপ্রসাৱিত কৰে, কিন্তু ঐন্দ্ৰজালকেৱ
ইন্দ্ৰজাল-সমুদ্রত পদাৰ্থেৱ ন্যায় সে স্থাভাস শুন্তে বিলীন
হইয়া যায় ; সকলে হতাশ অন্তঃকৰণে ফিরিয়া আইসে ।

দুঃখকুপ ঘোৱ অমানিশাৱ গাঁট অঙ্ককাৱে জগৎ^৩
আচ্ছন্ন । খদ্যোতিকাপুঞ্জেৱ ক্ষণস্থায়ী আলোকেৱ ন্যায়
মাঝে মাঝে এই দুঃখ সমুদ্রেৱ মধ্যে স্থথে৬ লেশমাত্ৰ
দেখিতে পাওয়া যায়, কিন্তু তাহা প্ৰকৃত স্থথ নহে ;
জগতেৱ লোক সেই স্থথ লইয়াই পাগল । এই অকিঞ্চিৎ-
কব স্থথে স্থথী মনে কৱিয়াই আমৱা অহঙ্কাৱে মন্ত্ৰ হই ।
কেহ ধৰমদে মন্ত্ৰ, কেহ মানমদে মন্ত্ৰ, কেহ সৌন্দৰ্য-
মদে পাগল, কেহ ঘোৱনমদে পাগল ; কত রুকমহেৱ গাগল
দেখিতে পাওয়া যায় তাহাৱ সংখ্যা নাই ; কিন্তু পাগলেৱা
একবাৱও ভাৱিয়া দেখে না, যে যাহা পাইয়া তাহাদেৱ
এত অহঙ্কাৱ, সেই স্থথসামগ্ৰী অন্তঃসাৱশূন্য ঐন্দ্ৰজালিক
কৌড়া মাত্ৰ ।

মা ! আমৱা পাগল । আমাদেৱ বুদ্ধিৰ্বাতি কলুষিত
হইয়াছে ; আমৱা প্ৰকৃত স্থথসামগ্ৰী পৱিত্যাগ কৱিয়া
অসাৱ স্থথেৱ অন্বেষণে ঘুৱিয়া বেড়াইতেছি ; সংসাৱকুপ
কুস্তীপাক নৱকে পতিত হইয়া হাবুড়ুৰু থাইতেছি ; ইহাৱ

বিষম আবর্তে পড়িয়া জন্ম জন্ম ভ্রমণ করিতেছি ।
 আমরা চির পবাধীন । আমরা যাহা মনে করি তাহা করিতে
 পারি না, যাহা চাই তাহা পাই না । আমাদের হস্তপদ
 সর্বদা শৃঙ্খলে আবদ্ধ, অদৃষ্ট চক্র আমাদিগকে যে দিকে
 ঘূর্বাইতেছে আমরা সেই দিকে ঘূরিতেছি ; পিঙ্গরাবদ্ধ
 বন বিহঙ্গের ন্যায় আমাদিগকে যাহা দিতেছে তাহাই
 থাইতেছি, যাহা বলাইতেছে তাহাই বলিতেছি । এই
 পবাধীন জগতে মা ! তুমি একমাত্র স্বাধীন । দেব-
 দেব মহাদেব যে দিবস পঞ্জতানময় * পঞ্জমুখবিনিঃস্তত
 বীণাতন্ত্রীলয়সম্বলিত শুমধুর জ্ঞানময় সঙ্গীত তোমাকে শ্রবণ
 করাইয়াছেন, সেই দিন হইতেই মা ! তুমি এই স্বাধীনতাধিন
 লাভ কৃরিয়াছ ; সেই দিন হইতেই তোমাব জ্ঞানপ্রদীপ
 জলিয়া উঠিয়াছে, ব্রেতভূম বিলয় প্রাপ্ত হইয়াছে, মায়ার
 প্রবক্তনা শুদ্ধরে পলায়ন করিয়াছে, অদৃষ্টগ্রাণি খসিয়া
 পড়িয়াছে, প্রারক ক্ষয় প্রাপ্ত হওয়াতে তুমি এই ঘোর
 যন্ত্রণার হস্ত হইতে নিঙ্কতি লাভ করিয়াছ । মা ! সেই দেব-
 দেব মহাদেবপ্রদত্ত জ্ঞানলাভের পূর্বে তুমিও আমাদের মত
 অহঙ্কারাদিসম্পন্ন ভগবান বিমুক্ত কুক্ষিনিহিত একটি ভূমাত্মক
 অস্তিত্বে বর্তমান ছিলে, গণীমধ্যে আবদ্ধ থাকিয়া, জীবন রূপ
 ক্ষুঢ় হৃদের তুফানে আলোড়িত হইতেছিলে ; ত্রিপুরারিম

* পঞ্জ জ্ঞানেলিঙ্গকে মহাদেবের পঞ্জমুখ কলনা করা হইয়াছে ।

জ্ঞানপূর্ণ সঙ্গীতলহুরী যেই তোমার কর্ণকুহরে প্রবেশ করিল, অমনি দিব্য জ্ঞানেব উদয হইল, অমাঙ্ককার দূরে পলাযন করিল। তখন তুমি ভগবান বিষ্ণুর পাদপদ্ম পরিত্যাগ করিয়া অনন্তেব পানে ধাবিত হইলে। স্বর্গ হইতে দেব দুন্দুভি নির্ঘোষিত হইল, অস্পরাগণ পুন্থ বৃষ্টি করিতে লাগিল, চাবিদিকে আনন্দধনি সমুখিত হইল, দেবদেব মহাদেব স্বযং সেই আনন্দে আনন্দিত হইয়া তোমাকে মন্তকে করিয়া নৃত্য করিতে লাগিলেন। জ্ঞান-চক্ষু যাহার বিস্ফোরিত হইয়াছে, মায়াবন্ধন যাহার ছিন্ন হইয়াছে, তাহাব অবারিত গতি রোধ করে এমন সাধ্য কাব ? পথিমধ্যে কতজন কত চেষ্টা করিল, কেহ বিষম বাধা জন্মাইল, কেহ উদৱ মধ্যে নিহিত করিল, কিছুতেই তোমার অবিরাম গতি বোধ করিতে পারিল না। একধাৰ যে হলাহলকে চিনিয়াছে, সে কি পুনবায় সে হলাহল পান করিয়া থাকে ; একবাৰ যাহাব অমাত্মক সর্পকে রঞ্জু বলিয়া জ্ঞান হইয়াছে, সে কি পুনৰায় কখনও সে বজ্জুকে দেখিয়া সর্প বলিয়া ভীত হইয়া থাকে ? যে জ্ঞান 'ঝৰিৰ বাঞ্ছিত, ঘোগীৰ ধ্যেয়, দেবেৰ প্ৰাৰ্থনীয়, মা ! জগদম্বে ! দেবদেব মহাদেব তোমায় সেই জ্ঞান সঙ্গীত শ্ৰবণ কৰাইয়াছেন। তাই বলি মা ! তুমি যে রংহে ভূষিতা, এবত্ত দেবেৰ দুর্লভ, ঘোগীজ্ঞ ও মুনীন্দ্ৰগণবাঞ্ছিত'। যিনি

তোমাকে যে ভাবে দেখুন, যে ভাবে পূজা করুন আমি
 কিন্তু তোমাতে আর অন্য কিছুই দেখিতে পাই না, আমি
 কেবল তোমাকে এই স্বর্গীয় রক্তে ভূষিতা দেখি, আমি
 তোমাতে সংসারকার্যালাভবিশুদ্ধ, জীব-
 মুক্তের প্রতিমূর্তি সন্দর্শন করি। ইহজগতে জীবমুক্ত
 যদি কেহ থাকে, তবে মা ! সে তুমি। আর কেহ এপদ
 লাভ করিতে পারিয়াছেন কিনা আমি জানি না। বেদে,
 প্রবাণে, অনেক জীবমুক্তের নাম শুনিতে পাওয়া যায় বটে,
 কিন্তু জীবমুক্তের যদি কেহ জীবন্ত উদাহরণ দেখিতে
 চাহেন, তাহা হইলে মা ! তিনি তোমার ওই কলকলায়মান
 জলরাশির প্রতি, তরতববেগশালিনী উর্মিমালাব প্রতি
 একবার সত্ত্বও নয়নে অবলোকন করুন, জুন্ম্ব উদাহরণ
 দেখিতে পাইবেন। স্থিদা, মোক্ষদা প্রভৃতি তোমার
 অনেক প্রকাব নাম ভক্তব্রান্দের মুগে শুনিতে পাই, কিন্তু
 আমার নিকট তুমি মহাযোগী, মহাজ্ঞানী, পরমপদপ্রাপ্ত,
 পবম আনন্দে অনন্দিত, বিঘুত্কাত্তা ভিন্ন আর কিছু নহ।
 তোমার এ কুলকুলকুল হৃষিকুব সঙ্গীত আমি যখনই
 শুনিতে পাই, তখনই আমার মনে হয়, উহা সাধকের
 মুখোচ্ছারিত ঘনোহর সামগ্রী। তুমি পরম সাধক,
 • তুমি ঋষিশ্রেষ্ঠ, তুমি যোগীন্দ্র ; লোকশিক্ষারজন্য,
 পতিতের উদ্ধাবের জন্য, পরমজ্ঞানামৃত বিত্তবণের জন্য স্বগ

ପରିତ୍ୟାଗ କରିଯା ଧରାଧାମେ ଅବତୀର୍ଣ୍ଣ ହଇଯାଇ । ଆମରା ସଦି ତୋମାର ପ୍ରକୃତ ତତ୍ତ୍ଵ ବୁଝିତେ ପାରିତାମ, ତୁମି କେ ଚିନିତେ ପାବିତାମ, ତୋମାର ବିତରିତ ଜ୍ଞାନବାଣି ଏହଣ କରିତେ ପାବିତାମ, ତାହା ହଇଲେ ଆଜ କଥନେ ତ୍ରିକୋଟୀ କୁଳୋକ୍ତାରେର ଜନ୍ମ ସଂକଳ୍ପ କରିଯା ତୋମାର ପବିତ୍ର ସଲିଲେ ଅବଗାହନ କବିତାମ ନା, ତ୍ରିକୋଟୀ କୁଳ ଅଳ୍ପ କଥା, ତୁମି ଅନ୍ତକୋଟୀକୁଳୋକ୍ତାରିଣୀ, ତୁମି ଜୀବେବ ଭବ-ବନ୍ଧନଚେଦନ-କାରିଣୀ । ତୋମାର ଏହି କଳକଳନିମାଦେ ଉପନିଷଦେର ଗଭୀର ତତ୍ତ୍ଵ ନିହିତ ରହିଯାଇଁ, ତୋମାର ଓହି ଅବିରାମ ଗତିତେ ଘୋଗୀବ ଘୋଗ-ଜୀବନେର ଜୁଲାନ୍ତ ଉଦାହରଣ ଦୃଷ୍ଟ ହଇତେଇଁ । କିନ୍ତୁ କେ ତାହା ଦେଖିତେ ପାୟ ? କୟାଜନ ତାହା ବୁଝିତେ ପାବେ ? ଆମବା ପାପୀ, ଆମରା ନରାଧମ ମେ ଜ୍ଞାନ ଆମବା କୋଥାୟ ପାଇବ ? ମେ ଜ୍ଞାନସଙ୍ଗୀତ ଆମାଦିଗକେ କେ ଶୁଣାଇବେ ? ଦେଖିଯାଓ ଦେଖିତେଛି ନା, ପୁନ୍ତ, ପରିବାର, ଐଶ୍ୱର୍ୟ, ସମସ୍ତଇ ମିଥ୍ୟା, ଭ୍ରମ ମାତ୍ର ; ବେଦେ ଓ ବେଦାଙ୍କେ ପଡ଼ିତେଛି, ଜ୍ଞାନୀର ମୁଖେ ଶୁଣିତେଛି ; କିନ୍ତୁ ଭ୍ରମ ହଇଲେଓ ଏ ବିଷମ ଭ୍ରମ ତ ଦୂରୀଭୂତ ହଇତେଛେ ନାହିଁ, ଏ ଦାରୁଣ ଭେଦି ତ ଏକବାରଓ ଭେଦି ବଲିଯା ବୋଧ ହଇତେଛେ ନା । କେ ଆମାଦିଗକେ ଏହି ଭୋଜବାଜୀର ହଞ୍ଚ ହଇତେ ରକ୍ଷା କରିବେ ? କେ ଆମାଦିଗେର କର୍ଣ୍ଣ ମେହି ଭ୍ରମ ନିବାରକ ମନ୍ତ୍ର ଉଚ୍ଚାରିତ କରିବେ ? କେ ଆମାଦିଗକେ ମେହି ଜ୍ଞାନରଙ୍ଗ ଅଦାନ

করিবে ? হায়বে । যদি আজ আমি সেই ধনে ধনী হইতাম,
দেবদেব মহাদেব যদি কৃপা করিয়া আমাকেও সেই সঙ্গীত
সুধা পান করাইতেন, তাহা হইলে মা ! আজ তোমার
ওই কলকল নিনাদী বাবিরাশিতে এই অঙ্গ চালিয়া দিয়া,
তোমার সঙ্গে এক হইয়া চালিয়া যাইতাম, তোমার আনন্দে
আনন্দিত হইতাম, তোমার মত স্বাধীনতা লাভ করিয়া
এই সংসারকারাগার হইতে মুক্তিলাভ করিতাম ! মাতঃ
কলনিনাদিনি ! তরলতরঙ্গিনি ! শক্ররঞ্জোলিনিবাসিনি !
ত্রিভুবনতার্বিণি ! তুমি যুগঘুগাস্তর এই রূপে প্রবাহিত হও !
তোমার মধুব সঙ্গীত অনন্তকাল এই রূপে জগতে
প্রতিক্রিয়িত হউক । যদিও আমরা তোমার প্রকৃত তত্ত্ব
বুঝিতে পাবি না, তোমার সঙ্গীতের গৃড় মর্শ মনোমধ্যে
ধাবণ্ডু করিতে পাবি না, তথাপি যখন সংসারের দারুণ
যন্ত্রণায উৎপীড়িত হইয়া তোমার তৌরে আসিয়া দণ্ডয়মান
হই, তোমার কুল কুল কুল মধুর মুবলীরব শ্রবণ করি,
তোমার অনন্ত সৌন্দর্য রাণি অবলোকন করি তখন কিছু
না বুঝিতে পাবিলেও, বোধ হয় যেন কি এক অমৃতরস
পান কবিলেছি ; তাপিত প্রাণ সুশীতল হয়, হৃদয় শান্তি-
রনে আপ্নুত হয় । মা ! এন্থেটুকুও এ জগতে দুর্লভ ।



উর্ণণাত ।

ঐ বৃক্ষ-শাখায় উর্ণণাত জাল প্রস্তুত করিতেছে ।
মুখ হইতে সূত্র বাহির করিতেছে এবং শাখায় শাখায়
সংসগ্রহ করিয়া দিতেছে । অচিরাত্ দেখিতে পাইবে
তাহার জাল প্রস্তুত করা শেষ হইয়া গিয়াছ, ঐ জালে
তাহার আবাস স্থান হইয়াছে এবং উহাতে সে সংসার
পাতিয়া বসিয়াছে, অচিরাত্ দেখিতে পাইবে কৌট, পতঙ্গ,
মঞ্চিকা প্রভৃতি পথ ভাস্ত হইয়া মেই জালে আবদ্ধ
হইতেছে এবং তাহাতে তাহার দৈনন্দিন সংসাব যাতা
অন্যায়সে নির্বাহ হইয়া যাইতেছে । উর্ণণাত আজ পৰম
আনন্দে আনন্দিত । সাংসারিক মুখ ও ঐশ্বর্য লাভ
করিয়া সে পৰম স্বথে, স্বর্থী হইবে, এই আনন্দ আজ
তাহার রাখিবার স্থান নাই । তাহার চেষ্টা ফলবতো হইবে,
তাহার জীবনের উদ্দেশ্য পূর্ণ হইবে একথা সে যতই

ভাবিতেছে, ততই অপার অমৃত সাগরে ভাসমান হইতেছে। হায়! এ হতভাগ্য উর্ণনাতের এই আনন্দ যদি চিরস্থায়ী হইত, যদি সে অনন্ত কাল অবিছিন্ন রূপে এই স্থখে স্থখা হইতে পারিত তাহা হইলে আজ আমিও উহার আমন্দে আনন্দিত হইয়া, উহারই সঙ্গে একতানে এই আনন্দের গান গাহিতাম। উর্ণনাতের হৃদয় সরল ও অকপট। সংসারের দারুণ বিভীষিকার চির, পরিণামের ভৌষণ দুশ্চিন্তা, উহার ঐ শুভ্র হৃদয়টীতে ক্ষণকালের জন্মও স্থান প্রাপ্ত হয় না, আমার মত সে সংসারের অনলে দুঃখ হইয়া কপটতারূপ বিষময় শিক্ষা লাভ করিতে পারে নাই। আমি স্থখ দেখিলেই তাহার পরিণামের বিষয় চিন্তা কৃরি সে তাহা করে না। আমি অভিজ্ঞ সে অনভিজ্ঞ;—তাই সে পরম আনন্দে আনন্দিত; আর আমি তাহার আনন্দ দেখিয়া পরম দুঃখে দুঃখিত !!

আমি দিব্য চক্রে দেখিতেছি, কিছুদিন পরে ঐ উর্ণনাতের স্থখ ও শান্তি বিছুই থাকিবে না, কিছুদিন পরে সে একটী ডিষ্ট্রি প্রসব করিবে, সেই ডিষ্ট্রির মায়ায় শুধু হইয়া উর্ণনাত আপনার সর্বনাশ আপনি আনয়ন করিবে। ডিষ্ট্রিকে সে পরম আদরে অতি যত্নে সর্বদা দুঃখঃস্থলে ধারণ করিবে, ক্ষণকালের জন্ম উহাকে হৃদয়স্থল-চ্যুত করিবে না, এদিকে ডিষ্ট্রিয়েশ্ব সন্তান সন্ততিগণ

ক্রমে ক্রমে পরিপক্তা লাভ করিয়া যখন তাহাদের বহি-
গত হইবার সময় উপস্থিত হইবে তখন তাহারা এই মাত্-
মেহের প্রতিদান স্বরূপ শাত্রুবক্ষঃ বিদ্বাবণ করিয়া বাহিরে
নির্গত হইবে ; দুর্ভাগ্য উর্ণনাভের শবদেহ শুক্র ও জীর্ণ
অবস্থায় তাহার নিজস্থৰ্ম্মত জালে ঝুলিতে থাকিবে !! উর্ণ-
নাভের এত আশা, এত স্বৰ্থ, এত আনন্দ এইখানেই শেষ
হইয়া যাইবে । হায় ! হায় ! ‘নির্বোধ উর্ণনাভ !
তুমি কি করিতেছ ? নশ্বর স্বৰ্থভোগে বঞ্চনায় ঘন্ট
হইয়া পরিণামেব বিষয় কি একবারও ভাবিতেছ না ?
আপনার সর্বনাশের পথ যে আপনি পবিক্ষার করিতেছ,
আপনাব মৃত্যুর অন্ত্র যে আপনি নির্মাণ করিতেছ, এ চিন্তা
কি তোমার হৃদয়ে একবারও স্থান প্রাপ্ত হইতেছ না ?
যখনে করিতেছ তুমি এই স্বৰ্থে চিরকাল স্থী হইবে ;
এই স্বৰ্থ দিন দিন বৃদ্ধি প্রাপ্ত হইয়া তোমাকে অন্ত স্বৰ্থ-
সাগরে লইয়া যাইবে । ধন্ত মা ! মহামায়া ! এ অন্ত
মহিমা, এ অমানুষিক ক্রীড়ার গভীর মর্ম বুঝিতে পারে
এমন সাধ্য কার ? যে মরিতেছে তাহাকেও দেখিতেছি,
যে কষ্ট পাইতেছে তাহার বিষয়ও জানিতেছি ; কিন্তু
জানিয়া শুনিয়াও আবাব সেই মৃত্যুব পথই অন্বেষণ করি-
তেছি । উর্ণনাভ যে একাই এই বিষম ক্রমে পতিত হইয়া
নিজের বিমাশ নিজে সাধন করিতেছে এমন নহে ;

আমরাও প্রত্যেকে এক একটা উর্ণনাত। এই উর্ণনাত যেমন মায়া জালে আবদ্ধ হইয়া পরম স্নেহের পাত্র সন্তুষ্টি-গণ কর্তৃক ভক্ষিত হয়, আমরাও সেইরূপ হই। আমরাও এই উর্ণনাতের মত সংসার-বাণুরা পাতি, পুল, পরিবার ও আত্মীয়গণে পবিষ্ঠেষ্ঠিত হই; হৃদয় ঘধ্যে কত স্মৃথের কল্পনা, আনন্দের তুফান উঠিতে থাকে তাহার ইয়ত্তা নাই, কিন্তু হায় ! এই স্মৃথ, ও এই আনন্দের পরিণামে কি হয় ? স্মৃথের আশায়ই জীবন কাটিয়া যায়, স্মৃথ কদাপি হয় না, চাতকের মত স্মৃশীতল বাবি বিন্দুব জন্ম উচ্চেঃস্বরে চীৎ-কার করি কখনও তাহা পাই না ; অঙ্গকার অমানিশায় পথভ্রান্ত পথিকুরে মত পথ অন্বেষণ করিয়া বেড়াই, পথ কখনও খুজিয়া পাই না, বিপথে গমন করি, কণ্টকার্হত গভীর গহ্বরে ঘাইয়া পতিত হই। কে এ সংসারে স্মৃথী ? কাহাকেও ত স্মৃথী দেখিতেছি না। ছেঁট বড় কেহই একদিনের জন্মও স্মৃথী নহে। সকলে আপন আপন চিন্তায় মগ্ন ও আপন আপন দুঃখে অভিভূত। চিন্তার ডালি প্রত্যেকের মন্তকে। বৃত্ত দিন সে জীবিত থাকিবে, তত-দিন এই চিন্তাসহচরী, তাহার সঙ্গে সঙ্গে ভ্রমণ করিবে, মরিয়া গেলেও করিবে কি না একথা কে বলিতে পারে ? ‘যখন আমরা ধরাধামে অবতরণ করি তখন চিন্তা উৎকণ্ঠার বিষয় কিছুই থাকে না কেবল সরল আণটা’ মত্ত থাকে।

সে প্রাণ যাহা পায়, তাহাতে পরম স্বর্থী মনে করে, যাহা
দেখে, তাহাতে অপার আনন্দ অনুভব করে। একটী
প্রস্তর খণ্ড কুড়াইয়া পাইলেও সে অপার আনন্দ সাগরে
ভাসমান হয়, একটী পাখৌকে উড়িয়া যাইতে দেখিলেও
সে মুগ্ধ হইয়া তাহারই পানে তাকাইয়া থাকে। তাহাব
জীবনে নৈরাশ্য নাই, কারণ সে যাহা পায় তাহাই তাহার
নিজের মনে কবে, যাহা পায় না তাহা পাইবার জন্য চেষ্টাও
করে না, তাহার বিষয় ভুলিয়া যায়। চক্ষু ফিরাইলে
পশ্চাতের বিষয় আর তাহার মন আকর্ষণ করে না। যাহা
গিয়াছে তাহার জন্য তাহার কোন হৃৎ নাই, কারণ যাহা
পায় তাহাবই সৌন্দর্যে তাহাব মন বিস্মল হইয়া পড়ে।
আশারাঙ্কসী তাহাকে কথনও প্রতাবিত করিতে পারে না,
ভবিষ্যৎ স্থথের কল্পনা কদাপি তাহার মনোমধ্যে স্থান প্রাপ্ত
হয় না, বর্তমানে যাহার কোন অভাব নাই ভবিষ্যতের কথা
সে ভাবিতে যাইবে কেন? জগতের প্রত্যেক পদার্থ
তাহার নিকট স্বর্গীয় সৌন্দর্যে বিভূষিত; বিষ ও অয়তে
তাহার সমান স্পৃহা, শক্ত ও মিত্রে তাহার একই ভাব।
একটী সর্পকে দেখিলেও সে সাদরে আলিঙ্গন করিতে যায়,
একটা অপরিক্ষার অপরিচ্ছন্ন পদার্থকেও সে অযুত মনে
করিয়া মুখে তুলিয়া দেয়।

এই বিশুদ্ধ ও সরল ভাব যাহার হৃদয়ে সর্বদা বিদ্যমান,

তাহার কিমের অভাব ? কোন বস্তু না পাইয়া সে কাঁদিয়া বেড়াইবে ? কোন বস্তু হারাইয়া সে শোক-সাগরে নিষ্পত্তি হইবে ? সে ত ধাহা চাহিতেছে তাহাই পাই-তেছে, ধাহা হারাইতেছে তাহাই আবার লাভ করিতেছে । কোন বস্তু বা ব্যক্তি বিশেষে ত তাহার অনুরাগ নাই কিন্তু জগতের ধাবতীয় পদার্থই তাহার অনুরাগ উদ্বোধিত করিয়া থাকে । যে অনিবিচনীয় সৌন্দর্যে সে জগৎকে শোভিত দেখে, সেই স্বর্গীয় সৌন্দর্য, সে তৎ হইতে মণিযুক্ত পর্যন্ত প্রত্যেক বস্তুতে দেখিতে পায় । সেই সৌন্দর্যই তাহার মন আকর্ষণ করে এবং তাহাই ধরিবার জন্য সে বিভোর হইয়া ধাবিত হয় । বস্তু তাহার লক্ষ্য নহে কিন্তু বস্তুমধ্যগত সৌন্দর্যই তাহার লক্ষ্য ।

এই অকৃত্তিম ও সরল ভাবটী যখন মনুষ্য হৃদয়ে বর্তমান থাকে তখনই মানুষ প্রকৃত মানুষ ! কিন্তু হায় ! বয়োবৃক্ষের সঙ্গে সঙ্গে এই ভাব আর থাকে না, আস্তে আস্তে শরদের প্রারম্ভে ভরা নদীর জলের শায় সেই ভাবটী তিরোহিত হইয়া যায় তখন আমরা প্রকৃত সৌন্দর্য ভুলিয়া গিয়া অপ্রকৃত সৌন্দর্যে বিমুক্ত হইতে আরম্ভ করি, ইতিপূর্বে যে সৌন্দর্যে জগৎকে ইঞ্জিত দেখিতাম তাহা আর দেখি না । আমাদের অনুরাগ তখন জগতের কোন বস্তু বা ব্যক্তি বিশেষে নিপত্তিত হয়, সেই বস্তুই আমাদের

একমাত্র লক্ষ্য হইয়া পড়ে। তাহাকে পাইবার জন্য চেষ্টা করি, তাহাকে পাইলে কিছু দিনের জন্য আনন্দিত হই, না পাইলে কিঞ্চ পাইয়া হারাইলে দাকুণ শোকে অভিভূত হই। যেদিন হইতে মহুষ্য হৃদয়ে এই অপ্রকৃত ও অসরল ভাবের সংকার হয়, সেই দিন হইতে তাহার দুঃখ-যামিনীর সূত্রপাত হয়, সেই দিন হইতে তাহার হৃদয়ে আশা, নৈরাশ্য, মতো, ব্রেষ, হিংসা, নৃশংসতা, মোহ প্রভৃতি দুর্দান্ত রাক্ষসগণ ক্রমে ক্রমে আসিয়া আশ্রয় গ্রহণ করে, সেই দিন হইতে সে এ হতভাগ্য উর্ণনাতের মত আপনার হৃত্যুর জাল আপনি পাতিতে আরম্ভ করিয়া পরিণামে উহারই মত অকালে কালগ্রামে পতিত হয়। তখন তাহার সন্তান সন্ততিগণ, তাহার প্রিয়তম ব্যক্তিগণ, যাহাদের জন্য সে এই সংসার বাণুরা পাতিয়াছিল, যাহাদিগকে পাইয়া স্থুল হইবে বলিয়া সে কায়মনোবাক্যে কামনা করিয়াছিল, যাহাদের স্থুল ও শাস্তিতে দিনাতিপাত হইবে বলিয়া সে অট্টালিকা প্রস্তুত করিয়াছিল, প্রাণপণ করিয়া কঠোর পরিশ্রম করিয়া অর্ধেপার্জন করিয়াছিল, এলিতে গেলে দুঃখাক্ত বিগলিত হয়, কঢ়রোধ হইয়া আইসে, তাহা-রাই—সেই প্রিয়তম ব্যক্তিগণই, তাহার জীবন কাল শেষ করিয়া দেয়—তাহার হৃদয় বিদারণ করিয়া তাহাকে ভঙ্গ করে।

হায় ! হায় ! হতভাগ্য পরিব্রাহ্মি ডাক ছাড়িতে
ছাড়িতে ষষ্ঠ্রণায় অধীর হইয়া সাদবে ঘৃত্যকে আলিঙ্গন
করে !

তাই বলিতেছিলাম শুধের আশায় সংসার ; শুধ কখন
হয় না আশায়ই ইহার শেষ। যাহাব অর্থ নাই, কি
প্রকারে অর্থোপার্জন কবিব, কি প্রকারে সংসার চালাইব,
পরিজনগণের দিন কি প্রকারে শুধে ও শান্তিতে অতি-
বাহিত হইবে, সে এই চিন্তায় মগ, আবাব যাহার বিপুল
অর্থ, সে কি প্রকারে আমার দিন নিরাপদে কাটিয়া যায়,
আত্মীয়ের বিচ্ছেদ দেখিতে না হয়, সকলে ব্যাধিশূন্ত হইয়া
শুধে ও নির্বিশ্বে জীবিত থাকে, সর্বদ। এই ভাবনায়
ব্যাকুল ! আশামূরূপ ফলপ্রাপ্তি কাহারও ভাগ্যে ঘটিয়া
উঠে না, আধি, ব্যাধি, জন্ম, ঘৃত্য, সংসারে নিয়ত
ঘটিতেছে চিরদিন ঘটিবে ; মানুষও সেই ষষ্ঠ্রণায় অনন্তকাল
দণ্ড হইবে। আশা কখনও পূর্ণ হইবে না, ষষ্ঠ্রণার কখনও
উপশম হইবে না, চিন্তায় চিন্তায় মন অবসন্ন হইয়া পড়িবে,
দেহযষ্টি ক্ষীণতা প্রাপ্ত হইবে, অবশেষে এ উর্ণনাতের মত
হৃতভাগ্য মানব অকালে প্রাণত্যাগ করিয়া শান্তি লাভ
করিবে !

তাই বলি ইহ জগতে অনেক উর্ণনাত আছে। আজ
এ উর্ণনাতের কার্য্যকলাপ দেখিয়া হাসিতেছি, তাহার

পরিণামের বিষয় চিন্তা করিয়া তাহাকে মহামুর্খ মনে করিতেছি, কিন্তু আমরাও যে প্রত্যেকে উহার মত বিষয় অন্মে পতিত হইয়া আপনাদের মূর্খতার পরিচয় প্রদান করিতেছি, উহারই মত আপনাদের সর্বনাশের ফাঁদ আপনারা পাতিতেছি, আপনাদের বন্ধনের শৃঙ্খল আপনারা। পরিতেছি, অস্মত মনে করিয়া বিষভাগ সঞ্চয় করিতেছি, যত্নকে সাদরে আহ্বান করিতেছি একথা একবারও ভাবিতেছি না, এ অম কিছুতেই দূর করিতে পারিতেছি না, এ মূর্খতা কিছুতেই বুঝিয়া উঠিতেছি না। উর্ণনাভের ক্ষুদ্র জীবনের ইতিবৃত্ত আমাদের বুহৎ জীবনের একটী অভিনয় মাত্র। যাহা আমরা, উর্ণনাভও তাহাই। আমরা যাহা করি উর্ণনাভও তাহাই করে। নাট্যাভিনয়ে যেমন বহুকালব্যাপী ঘটনা সমূহ একত্রিত অবস্থায় অল্প সময়ের মধ্যে প্রদর্শিত হয়, উর্ণনাভের ক্ষুদ্র জীবনের ইতিবৃত্তও সেইরূপ মনুষ্য জীবনের অপেক্ষাকৃত দীর্ঘকাল ব্যাপী ঘটনাবলীও অল্প সময়ের মধ্যে অভিনয় করে। নির্বোধ মানব ! তুমি পুজ্জ পরিজন পরিবেষ্টিত হইয়া, ঐশ্বর্য স্থখে মত হইয়া পরিণাম চিন্তা করিতেছ না ; কিছু দিন পরে তুমিও এ উর্ণনাভের মত পুজ্জ পরিজন কর্তৃক ভক্ষিত হইবে, এই অভিনয় আমাদিগকে ইহাই শিক্ষা দিতেছে। মতি স্থির কর, চঞ্চলতা দূর কর, মন্তব্য পরিত্যাগ কর, মায়াজালে আর মুগ্ধ হইওনা।

নিজের মুর্ধার বিষয় একবার ভাব, এ অভিনয় সম্পর্কে
কর, উহা হইতে শিঙ্গালাভ কর এবং যাহা সৎ, যাহা চির-
স্থায়ী, যাহার পরিণামে অনন্ত শুখ সেই পথে ধাবিত হও।
সংসার খেলা আর কত দিন খেলিবে ? খেলা ভাসিয়া
দাও, তোমার সমস্ত ভব দূরে চলিয়া যাইবে। এই সংসার
ক্ষেত্র একটী শতবক্ষ খেলার গৃহ। তুমি যখন খেলা করিতে
ব'স তখন তোমার পক্ষের রাজা মন্ত্রী প্রভৃতি ক্রীড়াপুত্রলি-
গুলিকে কথনও অকিঞ্চিতকর সামান্য পদার্থ মনে করিতে
পার না, তখন তোমার মনে হয়, ক্রীড়া-গৃহস্থ রাজা, মন্ত্রী,
অধি, গজ, প্রভৃতি প্রত্যেকে এক একটী জীবিত পদার্থ।
তাহাদের মতৃ তোমার বক্ষঃহলে যেন শেল প্রদান করে,
তাহাদের এক একটীর বিরুদ্ধে এক একটী চাল তোমাকে
ঘোর চিন্তায় নিমগ্ন করে, যেন বোধ হয় তোমার রাজ্য জয়-
করিতে বিপক্ষগণ আক্রমণ করিতে আসিতেছে ; এই
আক্রমণের হস্ত হইতে মুক্ত পাইবার জন্য তুমি ভয়ানক
চিন্তিত হও, যেন মনে কর এ আক্রমণ নিবারণ করিতে
না পারিলে তুমি সত্যই রাজ্যধন হইতে বক্ষিংত হইবে,
তুমি পথের ভিধারী হইবে ; তখন ক্ষণকালের জন্য তুমি
আত্মহারা হইয়া, অন্ত চিন্তা বিস্রঙ্গন দিয়া, আত্মীয়
স্বর্ণজনকে বিশ্঵ৃত হইয়া ক্রীড়া পুত্রলিগুলি ও ক্রীড়া-প্রকোষ্ঠ
কয়েকটীর চিন্তায় মনপ্রাণ সমর্পণ কর। আবার এই


খেলা যখন ভাসিয়া দাও তখন তোমার রাজ্য ঐশ্বর্য প্রভৃতি কিছুই থাকে না। তখন তুমি যেই মানুষ পুনরায় সেই মানুষ হও, তোমার রাজা, মন্ত্রী, অশ, গজ প্রভৃতি তখন অকিঞ্চকর সামাজ্য ক্রীড়াপুত্তলিতে পরিণত হব।

সংসার-শতরঞ্চ খেলাও ঐরূপ। আমাদের আবাস স্থান এই খেলার ক্রীড়াগৃহ; আর আমাদের পুত্রপরিজনগণ ইহার ক্রীড়া পুত্তলি। প্রকৃতির সঙ্গে আমরা এই খেলা খেলিতেছি। প্রকৃতি অন্তবালে থাকিয়া এক একটা চাল দিতেছেন আব আমরা ব্যাকুল হইয়া পড়িতেছি। কখনও ব'ড়ের উপর আক্রমণ হইতেছে, কখনও বা মন্ত্রীকে ধরিয়া কৌন্তি দিতেছে; কখনও মন্ত্রীর পাণ নাশ করিতেছে কখনও বা সর্বস্বান্ত করিয়া গজচক্রে ঘুর্বাইতেছে। কাহারও কাহারও এক চালে বাজি মাঝ, কেহ কেহ বা পঞ্চরঙ্গের পঞ্চকিঞ্চীতে নিকাশ। বাজিও সাঙ্গ হয় জীবনও শেষ হইয়া যায়। সমস্তই বুঝিতেছি কিন্তু ছাড়িতে পারিতেছি কৈ? সেই ক্রীড়াপুত্তলিগুলির মাঝাত ছাড়িতে পারিতেছি না। সেই মায়ায় মুঝ হইয়াইত এই সংসার খেলা খেলিতেছি। শরীরের যত শক্তি, মনের যত বুদ্ধি সমস্তই এই বৃথা ক্রীড়ায় নষ্ট করিতেছি। এই ক্রীড়ার

শরীব যাইবে, মন যাইবে, মনুষ্যত্ব যাইবে, সর্বস্বাস্ত হইব,
অবশেষে প্রিয়তম প্রাণকেও হারাইব তথাপি এ ক্রীড়া
ছাড়িব না । আজ এ হতভাগ্য উর্ণনাতের অববৃক্ষি দেখিয়া
দৃঃখিত হইতেছি ; কিন্তু নিজে কি করিতেছি তাহা কি
একবারও ভাবি ?

হায় ! হায় ! মানব কবে তোমার এ ভাস্তি দূরে
যাইবে ? কবে তুমি দিব্যজ্ঞান লাভ করিবে ? কবে তুমি
এই ভবের খেলা সাঙ্গ করিবে ? দিন যে গেল, বেলা যে
অবসান হইল, দুঃখ-যামিনীর গাঢ় অঙ্ককার যে ক্রমে
ঘনীভূত হইয়া আসিল, আর কেন ? যথেষ্ট হইয়াছে ।
অনেক খেলা খেলিযাছ, এবারে খেলা ভাস্তিয়া দাও, যাহা
সৎ, যাহা পরম প্রেমাস্পদ যাহা তোমার জীবনের একমাত্র
বাঞ্ছনীয়, একমাত্র উদ্দেশ্য, সেই পথে অগ্রসর হও,
অনন্ত শুখ অন্বেষণ কর, অপার অনিলজলধির পথে ধাবিত
হও ।





অস্ফুট স্মৃতি ।

আইসে, আবার চলিয়া যায় । শুক মরুভূমিতে ধারিবিন্দু পতিত হয়—পতিত হইবামাত্র আবার শুকাইয়া যাব । স্বপ্নের মত স্মৃতিপথে উদয় হয়, দেখিতে দেখিতে অতীতের অনন্ত স্মৃতি ভাসিয়া চলিয়া যায় । ধরিতে চাই, ধরিতে পারিনা—ধরিবার জন্য হস্ত প্রসারিত করি ; সুদূরে পলায়ন করে । ক্ষণপ্রতি ক্ষণ ক্ষণকালের জন্য আমার অন্তর্জগত আলোকিত করিয়া কোথায় যে চলিয়া যায় আর দেখিতে পাই না ।

সম্মুখে বিস্তৃত প্রান্তর, দূরে অনন্ত পর্বতমালা অনন্ত রাঙ্গের দিকে চলিয়া গিয়াছে ; ঘলয় মাঝুত বহিতেছে, বিহঙ্কুল গাহিতেছে, কুমুদ সৌরভ দশদিকে বিস্তৃত হইতেছে, উচ্ছুসে জগৎ হাসিয়া উঠিতেছে । এই উচ্ছুস লহরীর সম্মুখে যখন দণ্ডয়মান হই, যখন ঐ বিস্তৃত প্রান্তরের অনুপম সৌন্দর্য মাণি আসিয়া আমার হৃদয়

কবাটিকে আঘাত করিতে আরম্ভ করে, যখন এ অনন্ত শৈলশ্রেণী পরিরাজ্যের স্বপ্ন-প্রবাহ লইয়া আমার হৃদয়-মন্দিরে প্রবেশ করিতে থাকে, তখন কি এক অনিবিচনীয় স্বর্গস্থ অনুভব করি, কণকালের জন্য উদ্বিগ্ন হইয়া পড়ি, প্রাণের দ্বার যেন খুলিয়া যায়, হৃদয়তন্ত্রী যেন বাজিয়া উঠে, শরীর পুলকিত হয়, মুহূর্তের মধ্যে যেন জগতের যাবতীয় সৌন্দর্য-রাশি আসিয়া আমার মানসপটে প্রতিফলিত হয়। তখন কুমু-সৌরভে মাতওয়ারা হই, মলয় মারুত সংস্পর্শে অমৃত স্থুত অনুভব করি, তটিনৌর কুল কুল নিনাদে, প্রেমের বাঁশরী শুনিতে পাই, অমর-বক্ষারে, কোকিলের কুহরবে নন্দন-কানন সমুথিত সুমধুর সুর-সঙ্গীত শ্রবণ-স্থুত অনুভব করি, শারদীয় পূর্ণ সুধাকরের জ্যোৎস্না রাশি যেন আমার নিকটে পীযুষ-সাগর বলিয়া প্রতীয়মান হয়, অসংখ্য নক্ষত্রমালা পরিশোভিত মৌল নভ-স্তল যেন এই অপার আনন্দধারের চন্দ্রাতপের অভিনয় করে; শ্যামলশঙ্গবীথিস্থশোভিত প্রান্তর যেন কি এক বৈচুর্যতিক প্রভায় রঞ্জিত হয়, শৈলশ্রেণী যেন কি এক হৃদয় উদ্ধাদক অজ্ঞেয় ভাব ধারণ করে; তখন শিশুর হাসিতে, কবিতার কমনীয় পদাবলীতে, প্রেমের সঙ্গীতে যেন অমৃতের ভাওঁর দেখিতে পাই; তখন জগৎ দেখিনা কেবল সৌন্দর্য দেখি, সেই সৌন্দর্য পারাবাংমে ভাসমান

হই, উহার স্বোতে অঙ্গ চালিয়া দেই—তখন আমি আর আমি থাকি না। এ সৌন্দর্য-পারাবারের একটী বারিবিন্দুতে পরিণত হই; কিন্তু আইসে আবার চলিয়া যায়। এই সৌন্দর্য দেখি, এই আনন্দ উপভোগ করি কিন্তু প্রাণ ভরিয়া উপভোগ করিতে পারি না। সমুদ্রের তবঙ্গের মত আইসে, আমার অন্তঃকরণরূপ বেলাভূমি প্রাবিত কবে, আবার চলিয়া যায়। সেই পর্বত, সেই প্রান্তর সমস্তই বর্তমান থাকে, কিন্তু ইতিপূর্বে যে সৌন্দর্য রাশি আসিয়া উহাদিগকে রঞ্জিত করিয়াছিল, আমার হৃদয়-জলধি আলোড়িত করিয়াছিল, আমাকে উশ্মত করিয়া তুলিয়াছিল তাহা আর থাকে না; তখন শিশিরে পত্রবিহীন বন্ধের মত, মাংস-চর্মাদিবর্জিত কঙ্কাল বিশিষ্ট জীবদেহের মত, এই জগৎটা মাত্র দেখি। চারি দিকে শূন্যময় মনে হয়—হৃদয় আবার নৈরাশ্য-সাগরের অতল জলে ডুবিয়া যায়।

জীবনের পথে যতই অগ্রসর হইতেছি, এই সৌন্দর্য-রাশির উপভোগ হইতে ততই বক্ষিত হইতেছি। একদিন জগতের এই রূপমাধুরী আমার জীবনের চিরসঙ্গিনী ছিল। একদিন আমি এই রূপরাশিতে বিমুক্ত হইয়া অনুপম আনন্দে দিবানিশি আতিবাহিত করিতাম, হায় রে ! শেষবের সে ভাব কোথায় চলিয়া গেল ! চন্দমা দেখিয়া বিভোর হইয়া তাহারই পানে তাকাইয়া থাকিতাম, আয় আয় বলিয়া

তাকিতাম, ধরিবার জন্য হস্ত প্রসারিত করিতাম। আকাশে
মেঘ দেখিলে আবল্দে নৃত্য করিতে আরম্ভ করিতাম, পাথীর
গান শুনিলে তাহারই সঙ্গে গলা ছিশাইয়া। গাহিতাম, যাহাই
দেখিতাম প্রেমভরে তাহারই পানে ধাবিত হইতাম,
তাহাতে এক আশ্চর্য সৌন্দর্য অবলোকন করিতাম।
শক্র ও মিত্রে, বিষ ও অমৃতে কোন প্রভেদ ছিল না।
কেহ হিতকারী কেহ অহিতকারী যনে হইত না, কেহ
নীচ কেহ উচ্চ এ জ্ঞান মনোবিধ্যে স্থান প্রাপ্ত হইত না,
জগতের পানে তাকাইতাম আব বোধ হইত যেন ইহা এক
অপূর্ব শোভায় শোভিত। আমার চারিদিকে যেন
সৌন্দর্যের অঘৃত বহিয়া যাইত, রূপের ছটা বক্রমক
করিতে প্লাকিত, প্রেমের উচ্ছুস উথলিয়া পড়িত।

সে ভাব তখন ছিল এখন আর নাই। শেশব উত্তীর্ণ
হইয়া কৈশোরে পতিত হইয়া সে ভাব হারাইতে আরম্ভ
করি, কিন্তু তখনও কিছু ছিল। এই সৌন্দর্য বিহীনতা,
এই শুক ঘরুক্তমিসদৃশ, তখন একদিনের জন্যও অনুভব
করি নাই। তখনও মলয়ের হিল্লোল সংস্পর্শে উল্লাসে
পরিপূর্ণ হইতাম, কুসুম কাননের রমণীয় শোভা সন্দর্শন
করিয়া বিমোহিত হইতাম, নিবিড় পাঁতের অপূর্ব ভাব,
বন-তরুরাজি পরিশোভিত পর্বতমালার গান্তৃষ্যপূর্ণ মনো-
হারিতা অবলোকন করিয়া বিশ্বিত হইতাম; উন্মাদের

ଶ୍ରୀ ଛୁଟିଆ ଛୁଟିଆ ବେଡ଼ାଇତାମ, ଦେଖିଆ କଥନେ ଆଶା
ମିଟିତ ନା, ଭୋଗ କରିଆ କଥନେ ବୀତରାଗତା ଆସିତ ନା,
ଭ୍ରମ କରିଆ କଥନେ କ୍ଲାନ୍ତି ଅନୁଭବ କରିତାମ ନା ।
ନବ ସମ୍ବନ୍ଧ ସମାଗମେ ସଥନ ବନରାଜି କୁମ୍ଭ ପଳାବେ ସ୍ଵଶୋଭିତ
ହଇତି, ସଥନ ଶିରୀମ ଓ ଚମ୍ପକେର ସୌରଭେ ଦଶଦିକ ହୁବାସିତ
ହଇତି, ସଥନ ପଲାଶକୁମ୍ଭମେ ଗିବିବନ ରଞ୍ଜିତ ହଇତି, ସଥନ
ପାଣିଆ ଡାକିତ, ଭ୍ରମର ଗୁଞ୍ଜନ କରିତ, କୋକିଳ ପକ୍ଷରେ
ଜଗନ୍ନ. ମାତାଇତ, ତଥନ କ୍ଷଣକାଲେର ଜନ୍ମ ହିର ଥାକିତେ
ପାରିତାମ ନା, ତଥନ ବିପୁଲ ଉଲ୍ଲାସେ ଉଲ୍ଲାସିତ ହଇତାମ ;
ଆନ୍ତରେ ଆନ୍ତରେ ବନେ ବନେ ପର୍ବତେ ପର୍ବତେ ଭ୍ରମ
କରିତାମ ; କିମେର ଜନ୍ମ ଭ୍ରମ କରିତାମ ଜାନିନା ; କୋନ
ମୋହିନୀ ଶକ୍ତି ଆମାର ଚିତ୍ତକେ ଆକର୍ଷଣ କରିତ ବୁଝିତାମ ନା ;
ଅର୍ଥଚ ଲକ୍ଷ୍ମୀବିହୀନ ହଇଯା ଉଦ୍ଦେଶ୍ୟଶୂନ୍ୟ ହଇଯା ଧାବିତ
ହଇତାମ । ସଂସାରେର ବିଷୟ କିଛୁହ ଭାବିତାମ ନା, ଭବିଷ୍ୟ-
ତେର ଭାବନା କଦାପି ମନୋମଧ୍ୟେ ହାନ ପ୍ରାପ୍ତ ହଇତ ନା, ସରଳ
ଚିତ୍ତଟି ଆମାର ତଥନ ଯାହା ପାଇତ, ତାହାତେ ମତ ହଇଯା
ଥାକିତ, ପରମ ସୁଧେ ଦିନ ଅତିବାହିତ ହଇତ ।

ସେ ହାସିଆ କଥା କହିତ ତାହାକେ ବନ୍ଧୁ ମନେ କରିତାମ,
ହାସିର ମଧ୍ୟେ ସେ କୃତ୍ରିମତା ଥାକେ, ଆତ୍ମୀୟତାର ଭିତରେ ସେ
ସ୍ଵାର୍ଥପରତା ଥାକେ, ସରଳତାଯ ସେ ଅସରଳତା ଥାକେ, ମାନୁଷ,
ମୁଖେ ଅନୁତ ମାଥିଆ ସେ ଅନ୍ତରେ ଗରଳ ପୁଷ୍ଟିତେ ପାରେ ଏକଥା

তখন বুঝিতে পারিতাম না। কৈশোর অতিবাহিত হইয়া যখন ঘৌবনে পদার্পণ করিয়া ছিলাম, যখন মততা আসিয়া ছিল, যখন কৃত্রিম স্থথেব কল্পনা আসিয়াছিল, যখন স্বার্থ-চিন্তার তরঙ্গ উঠিয়াছিল, যখন ব্যক্তি বিশেষের রূপে মোহিত হইতে শিখিয়াছিলাম, যখন প্রণয়নীর হাসি রাখিতে অমৃতেব মাধুবী দেখিতে পাইতাম, যখন রমণীপ্রণয়ে স্বর্গস্থ অনুভব করিতাম, ঐশ্বর্য স্থথকে চরম স্থথ ভাবিতাম,—একথা তখন বুঝিয়াছিলাম। তখন বন্ধুত্বায় প্রতাবণা প্রাপ্ত হইয়াছিলাম, মধুর বাক্যে ভুলিয়া অশেষ যন্ত্রণায় পতিত হইয়া ছিলাম, প্রাণ সমর্পণ করিতে গিয়া তাহার 'প্রতিদানস্বরূপ অসরলতা' ও 'স্বার্থপরতা' প্রাপ্ত হইয়াছিলাম, প্রণয় সাগবে সন্তুবণ করিয়া দারুণ বিষেব জ্বালায় ছটফট কবিধাছিলাম, ঐশ্বর্য স্থথে মত হইয়া প্রকৃত স্থথ হারাইয়া পৈশাচিক অবস্থাপন্ন হইয়াছিলাম, কালকূটে অন্তর ভবিয়া গিয়াছিল, দ্বেষ, হিংসা, লোভ ও মোহের উভেজনায় শরীব জর্জরিত হইয়াছিল।

ঘৌবন হইতে আরম্ভ করিয়া আজ পর্যন্ত এই ভাব— এই আধ্যাত্মিক সংকীর্ণতা দিন দিন বৃদ্ধি প্রাপ্ত হইয়া অম্পতি একটী পিণ্ডাচে পবিগত হইয়াছি। এখন সরল মনে কাহারও সঙ্গে কথা কহিতে পারি না, সরলচিত্তে কাহাবও দুঃখের কাহিনী কি স্থথেব সংবাদ শ্রবণ করিতে

পারি না, পবিত্র নয়নে কাহারও পানে তাকাইতে পারি না, স্বার্থশূন্য হইয়া কোন কার্য্যই করিতে পারি না ; প্রাণ ভরিয়া কাহাকেও বিশ্বাস করিতে পারি না, নির্ভয়ে কাহারও নিকটে যাইতে পারি না, পদে পদে বিপদ দেখি, মুহূর্তে মুহূর্তে মৃত্যুর ভয় করি ; চিন্তায় চিন্তায় শরীর ও মন জীর্ণ শীর্ণ হইয়াছে ; যেন বোধ হইতেছে ব্রহ্মাণ্ড আমার বিরুদ্ধে চলিয়াছে, জগতের প্রত্যেক বস্তু যেন আমার অনিষ্ট সাধনের জন্য সৃষ্টি হইয়াছে । অন্নে শঙ্খা, পানে শঙ্খা, শয়নে শঙ্খা, গমনে শঙ্খা, হাসিতে শঙ্খা, কান্নায় শঙ্খা—জগৎ শঙ্খায় পরিপূর্ণ ! সম্প্রতি আমি এই নরক যন্ত্রণা ভোগ করিতেছি । আমি কি একাই ভোগ করিতেছি ?—

শৈশব কাল আমাদের জীবনের কেন্দ্রস্থল । আমরা যখন সেই কেন্দ্রস্থলে অবস্থান করি তখন স্বাভাবিক অবস্থায় থাকি, তখন সরলতা, প্রেম, আনন্দ ভিন্ন আর কিছুই থাকে না । সেই কেন্দ্রস্থল হইতে পরিধির দিকে যতই অগ্রসর হই, স্বাভাবিক হইতে ক্রমে অস্বাভাবিকে আসিয়া উপস্থিত হই, সরলতা দূরীভূত হয়, অসরলতার রাজ্য বিস্তৃত হয়, অকুত্রিমতা হারাইয়া কুত্রিমতা অবলম্বন করি, সত্যের পথ ছাড়িয়া দিয়া অসত্যের পথে ধাবিত হই, আলো হইতে অঙ্ককারে আসিয়া দিশাহারা হইয়া

বেড়াই । এই অসবলতায় না যাইয়া যদি বালের সেই
ভাবটী অবলম্বন করিয়া থাকিতাম, বয়োবৃদ্ধির সঙ্গে
তাহারই উন্নতি সাধন করিতাম, যদি ভোগ বাসনার বিষয়
কথনও না ভাবিতাম, যদি আশা রাঙ্কসীকে কথনও মনো-
রাজ্যে স্থান দান না করিতাম, যদি দ্বেষ, হিংসা প্রভৃতি
হৃদয় মধ্যে প্রবেশ লাভ করিতে না পাবিত, তাহা হইলে
আজ এই পিশাচত্ব লাভ না করিয়া দেবতা লাভ করিতে
পারিতাম, কিন্তু হায় । তাহা করি নাই । সরল পথে
গমন না করিয়া বক্তৃ পথে গমন করিয়াছি, সেই পথে
চলিতে চলিতে সম্প্রতি এই ভৌমণ কণ্টকাকীর্ণ স্থানে
আসিয়া উপস্থিত হইয়াছি—এ স্থান ঘোরতমসাঞ্চন্ন,
কিছুই দংষ্ঠিগোচর হইতেছে না, পথ অন্বেষণ করিতেছি—
পথ পাইতেছিনা । এই ভয়ানক স্থানে দণ্ডায়মান হইয়া
কথন কথন চকিতের মত সেই অঙ্গীতেব শুখশুভি
অস্ফুট ভাবে মনোমধ্যে উদয হয় ; তখন ক্ষণকালের জন্ত
যেন পুনরায় সেই স্থখে স্থানী হই, সেই কেন্দ্র অভিযুক্তে
ধাবিত হইবার চেষ্টা কবি—কিন্তু—হায় । আইসে আবার
চলিয়া যায় ।

